

Guangjisi Minzcu Bau

ganbbau: CN45-0036 B.2015 Nd.11 Ng.18 liggaueq ietfeih nienz ndwencib cocaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3199期

Lungzlinz Yungh Vah Saujsu Minzcu Guh Faplwd Bangcoengh Senhconz

隆林用少数民族语言进行法律援助宣传

10 nyied ndawnyieb daeuj, Lungzlinz Gak Cuz Swciyen leihyung Cuengh、Myauz daengj vah saujsu minzcu youq Bouxcuengh caeuq Myauzcuz comzyouq yangh(cin) guh faplwd bangcoengh senhconz hozdung, aeu 《Fapguk》、《Fap Vunhyinh》、《Fap Diegnamh》、《Fap Baujhoh Lwngyez》caeuq denjhingz anqlaeh daengj yungh Vahcuengh caeuq Vahmyauz loegyaem guh baenz

yinhbinz, youq dangdieg ngoenzhaw seiz yungh gyaqci senhconz okcunz boqok.

Seizneix, gaenq youq Sahliz、Bingzbanh、Cejang daengj Bouxcuengh yangh(cin) boqok. Doengzseiz, lij laebbaenz faplwd bangcoengh daizcamcaz, fatcuengq swliu bujfaz, daezhawj cam faplwd daengj yieugq baedauq vunlai senhconz gvendaengz faplwd fapgi cihsiz. Gvaqlaeng yae

youq Dwzngoz、Ciengzmou、Ciengzngwz daengj Myauzcuz yangh(cin) yungh Vahmyauz okcunz boqok.

Leihyung vah saujsu minzcu doengsug ngaih rox guh faplwd bangcoengh senhconz hozdung, ndaej daengz beixnuengx saujsu minzcu haenggyaez, caux ok le Lungzlinz bingzanh、hwnjguh Lungzlinz fazci heiqaen ndawbiengz ndei.

(Dauz Dwzgvangh/陶德光)



Gunghewngz: Gvansim Lauxsae Youwzyenz Minzbanh Majhung

恭城: 关心民办幼儿园教师成长

11 nyied 10 daengz 11 hau, Gunghewngz Yauzcuz Swciyen Gyauyuzgiz cujiz haiguh gaiq daih' it bouxcoz lauxsae youwzyenz minzbanh dangzgoq ndei doxdax, daengx yienh 80 lai aen youwzyenz minzbanh 17 boux lauxsae youwzyenz camgya doxdax, ca mbouj geijlai 100 boux lauxsae bae daengz yienhciengz yawjngonz hagsib. Baez doxdax neix, mboujdan daezhawj aen bingzdaiz gak youwzyenz doxhag, doxgyau, dox coicaenh, caenh' itboub gveihfan youwzyenz minzbanh banhyenz hingzveiz, daezsang lauxsae youwzyenz hongsaeh suciz, lij mizyauq coicaenh aen yienh neix baujgyau baujyuz suijbingz mboujduenh daezsang. Ndaw doz dwg lauxsae hwnjdangz doxdax yienhciengz.

(Liengz Veih/梁辉 Cinz Gizliengz/陈吉良)

Mbanjyauz 5 Boux Minzcu Yisuz Lauxsae Bae Baekging Hagsib

瑶乡 5 名民族艺术教师进京学习

Mboengqneix, Duh' anh Yauzcuz Swciyen senjbaij 5 boux minzcu yisuz lauxsae bae Baekging camgya "gyaez cij aenvih miz mwngz" lajmbanj lauxsae beizyin goeng' ik hanghmoeg, caeuq daengx guk gak dieg 120 boux minzcu yisuz lauxsae itheij byaij haeuj Cing' vaz Dayoz、Baekging Dayoz、Cing' vaz Dayoz Fusuz Siujyoz camgya ciengqgo、dozveh、suhfaz、citheiq daengj yisuz gocwngz doxgyau,

camgya Cing' vaz Fusuz Siujyoz bak bi yauging doenghgi hoxdung neix, vanzlij dingq le guekhag gyangjco gig miz goekdaej Cunghvaz minzcu vwnzva haenx.

Youq seiz Cing' vaz Dayoz Fusuz Siujyoz banh gaihmsiz, aen yienh neix minzcu yisuz lauxsae Banh Cenzei eu hot fwen 《Dohci Lo》, ndaej daengz yienhciengz bouxdingq bekwngz.

Ciuq cam rox, "gyaez cij aenvih miz mwngz" lajmbanj lauxsae beizyin goeng' ik hanghmoeg dwg youz Cingvaz Fusuz Siujyoz caeuq lajmbanj lauxsae beizyin bouxgagnyienh lienhab fatguh, muzdiz dwg gyavaiq dieg saujsu minzcu gyauyuz saehnieb hwnghat, sukiq dieg saujsu minzcu giekdaej gyauyuz cengca, saedyienh giekdaej gyauyuz bingzyaenx hwnghat.

(Lanz Fuzgvanh/蓝福宽)

SIUSIK DINJ

简讯

● Gaen geij bi neix daeuj, Lungzswng Gak Cuz Swciyen gyalai dajndaem cannieb gezgou diuzcingj ligdoh, doenggyaq cwnghfuj dazyinx、gisuz bumwnz sonyinx, vunlai gaenxmaenx guh swnghcanj, seizneix, aen yienh neix ndaem lwgmanh mienhcik 2 fanh moux, bingzyaenx moix moux canjiz 10000 maenz, ndaem lwgmanh baenz cungj fuengsik dangdieg bouxguhnaz demsou baenzfouq he.

(Veiz Gizyangz Yangz Cunhcungh)

● Bineix daeuj, Cungguek Nungzyez Ngaenzhangz Lingzyin Yen Cihhangz baengh gij ndei ceingaenx de, haeujcoengh deihfueng nungzyez cannieb hwnghat, vih aen yienh neix cingcinj bangcoengh vut gungz ok rengz. Aen cihhangz neix dajsuenq youq bineix fatcuengq lajmbanj cienzsoq noix danbauj diepsik daigvanj 2300 fanh maenz, seizneix gaenq fatcuengq 1200 lai fanh maenz, 200 lai hoh nungzhoh ndaejik.

(Vangz Yenzyungz)

● Mboengqneix daeuj, Libuj Yen youq seiz cungsae ranzaw nungzya gohbuji cihsiz, aeu 20 cungj bauganh dajndaem dajciengx、36 fanh bonj saw hawj vunlai yawj mbouj aeu cien, moix daengz seizhoengq, daengx yienh 122 aen ranzaw nungzya bienqbaenz vunlai hagsib cihsiz dajndaem dajciengx simmuengh ciengzdieg.

(Cauh Cinyenj)

● 11 nyied 9 hau, Swcigih Gyauyuz Duzdaujcuj bae Vujmingz Yen duzdauj bingzgug hong doicaenh yivu gyauyuz bingzyaenx hwnghat, baez duzdauj bingzgug neix yungh yawj ciendaebien、dingq baugau、hai hoih doxgyau daengj fuengsik, doiq aen yienh neix hong doicaenh yivu gyauyuz hwnghat guh bingzgug.

(Liengz Cui)

● Mboengqneix, Lungzswng Gak Cuz Swciyen "ranz mehmbwk" bouxgagnyienh doihfugsah cujiz haiguh gyoebhab cingceih daihengzdoengh, doenggyaq cungj hengzdoengh neix, lienzdaengz daiqdoengh ndawbiengz "daihgya" camgya, gajndeidei vanzging "rab luenh ca".

(Gyaj Libingz Yangz Baujczangz).